



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**De Perfectionibvs Moribvsqve Divinis Libri XIV**

**Lessius, Leonardus**

**Antverpiae, 1620**

Cap. IV. Recollectio precatoria de Immutabilitate.

[urn:nbn:de:hbz:466:1-46817](#)

nens & conseruans, nihil suorum bonorum amittere potest; nihil ab alio accepit, sed à seipso omnia habet, nemini obnoxius, nemini debitor, nisi gratuita & liberali promissione sua. Ipsi gloria, ipsi imperium, ipsi gratiarum actio ab omni creatura in omnes generationes seculi seculorum. Amen.

De aliis fructibus qui ex consideratione immutabilitatis Dei colligi possunt, dicemus lib. iv. De Æternitate.

## C A P V T I V .

*Recollectio precatoria, de immutabilitate.*

**T**IBI Regi seculorum immortali & innibili, apud quem non est I. ad Tim. 2.  
Iacobi 1. transmutatio, nec vicissitudinis obumbratio, soli Deo & Domino meo honor & gloria ab omni creaturā in terra & in cælo, & supra omnem creaturam in altissima & inaccessibili luce sapientiae & Diuinitatis tuae. Tu omnis immortalitatis & stabilitatis auctor, tu gluten & nexus omnium.

- 21** Per te Angelica naturae & animae rationales immortales & irre-  
terminabiles constant. Per te cælorum firmitas, qui solidi velut I Cor. 3.7.  
fus sunt. Per te terra in eternum stat, suis librata ponderibus in me-  
dio vniuersi, tamquam centrum immobile. Per te elementorum &  
materiarum indissolubilis natura, tam potenti manu his omnibus spe-  
cim impressisti, vt nulla arte eradi, tam validè contines intrinse-  
cus, & cohædere facis, vt nulla vi possint dissipari.
- 22** Neque tantum immortalitatis & stabilitatis es auctor, sed etiam  
omnis motionis tam spiritalis quam corporalis prima & suprema  
origo. Nihil enim sit visibiliter in hac totius creaturæ veluti amplissima Repub. quod non ab innibili aula summi Imperatoris, Prosper Sen-  
tentia 58.  
secundum ineffabilem distributionem donorum & gratiarum,  
præmiorum & pœnarum, bonorum & malorum, & ceterarum  
huius vitæ vicissitudinum, vel iubetur vel permittatur.
- 23** Apud te rerum omnium mutabiliū immutabiles sunt rationes,  
& omnium temporalium æternæ stant origines. Semel ante secula  
omnia statuisti de omnibus, semel dixisti, & ex vi huius statuti pro-  
muntur & dispensantur secula, & qua per seculorum decursum  
suis momentis & locis in lucem veniunt. Ordo temporum apud te  
sine tempore est; nec aliqua tibi sunt noua, qui iam ab æterno feci-  
sti omnia quæ futura sunt. Fecisti, inquam, in prædestinatione tua,

in decreto tuo iubente vel permittente, & in præscientia tua infallibiliter omnia intuente ut præsentia.

Apud te est omnis boni plenitudo, præexistens & anticipata ante 24  
omnia sæcula, cui nulla accessio, nulla fieri potest detractio. Simul habes ab initio quidquid per infinitum sæculorum decursum accedere potest, nec quidquam potes amittere, quia præsentiam tuam habes & es omnia. Non eges obsequiis nostris, neque ex salute nostra tibi aliquid commodi, vel ex damnatione aliquid incommodi prouenire potest. Et quamvis totus periret mundus, tu tamen nihil amitteres, neque beatitudo vel gloria tua idcirco minora forent, aut aliquid detrimenti caperent.

Amas tamen nos aeterno & infinito amore; & nihil non agis ut 25  
salui simus, & beatitudinis tuae participes, & cum a te recesserimus,  
non deseris nos, sed multis modis reuocas, sicut benignus parens  
filios fugitiuos, veniam promittens, ne in aeternum exitium ruamus.

O immensam spiritus tui dulcedinem, qui tanta nobiscum vte- 26  
ris benignitate, non solum nihil tale promeritis, sed ingratias, sed re-  
bellibus, sed assidue te offendentibus, & malum pro infinitis bene-  
ficiis tuis repententibus!

<sup>o</sup> Illumina tenebras nostras, lux primæua, absterge ab oculis men- 27  
tis nostræ nugacem nugarum huius mundi fascinationem, sensum  
simplicem peruertem: ut quantum inter ea duca & immortalia,  
inter fluxa & permanentia, inter bona huius sæculi & futuri inter-  
sit, clare perspiciamus; ut illis contemptis haec persequamur, haec  
assequamur, his inhæreamus. Aufer a nobis mentis inconstantiam,  
ne in bono proposito fluctuemus, neque vnuquam deseramus quod  
semel a nobis bene occæptum. Nihil enigmatis noxiū ad pro-  
fectum, quam instabilitas animi nusquam consistentis, & leui mo-  
mento hoc illuc instar arundinis impulsi.

Tange apicem animæ nostræ radio lucis tuae, & mentem no- 28  
stram trahe sursum ad te, supra omnium mutabilium spheras, su-  
pra solis anniique vias, supra omnia bona creata, & vinculo charita-  
tis insolubile adstringe tibi, ut neque mors, neque vita, neque pau-  
pertas, neque diuitiae, neque gloria vel ignominia, neque voluptas  
vel afflictio, neque sublimitas vel profundum, neque ipsæ infero-  
ruin portæ & vniuersa diaboli tormenta valeant eam conuellere,  
aut a te separare.

DE